

彌撒規程

上海土山灣印書館發行

No 445

彌撒規程

謝聖體經附

No 445

20 000 8-31

天主降生一千九百三十一年

南京主教惠重准

上海土山灣印書館重印

彌撒規程

善願五端

恨我一生自作愆尤，并惡古往今來罪過。我若尙能阻止，祈主賜佑阻之。讚揚開闢至今德業，頌羨今迄世末善工。我若猶能增廣，祈主賜佑增之。願我思言行爲，能具諸聖所具，將具及克具之善志，爲得愈顯天主光榮。凡我仇讐辱我面，毀我名，肆害我，陰謀我，弗論何

故何如。悉以真心寬恕。
若能普救世人升天。爲之逐一捐軀。力本不逮。心
實甚甘。祈主賜寵。遂願。

天主經 聖母經

神父着衣時 當念

信德誦 望德誦 愛德誦 天主經 聖母經

神父灑聖水 當念

灑聖水經

望吾主灑我。而我自潔。洗我。而我自白。白於雪。

天主經 聖母經

將祭

一神父至臺中，退下畫十字，當念

定心祝文

至慈之大父，共慰之天主，至恕至寬。令惟一聖子，
爲救我眾，釘於十字架上。又垂諭以所獻天主最
重之禮，每日復行於聖教會，增益我力。於惟此禮，
高厚淵微，能闡主愛，能保我等於眞福。伏惟佑我
有事者，專心致敬。庶於如是洪恩，定受其賜。爲我

等主基利斯督。亞孟。

二神父畫十字，我等亦畫十字。

三神父悔罪，當念

解罪經

四神父到臺左誦古經，當念

我重罪人，憶昔古聖人，望吾主降生，救贖我等重罪。求天主罷德肋之全能，賜我等力量，翼我柔懦。求費畧耶穌基利斯督之全知，賜我明悟，啟我昏昧。求斯彼利多三多之全善，賜我真切愛慕，振我

懈惰。

五神父在臺中誦經。當念

吾主、矜憐我等罪人。三遍

六神父將兩手開，復合掌。當念

榮福經

天主受享榮福於天，良人受享太和於世。我等稱頌爾、讚美爾、欽崇爾、顯揚爾、爲爾大榮謝爾。主、天主、天上之君、全能天主、罷德肋、主、惟一費畧耶穌、基利斯督、主、天主、天主羔羊、罷德肋子。除免世界

者。矜憐我等。除免世罪。受我等禱坐。罷德肋右。矜憐我等。蓋耶穌基利斯督。爾爲惟一聖。惟一主。惟一至上。偕斯彼利多三多。於天主罷德肋之榮福。亞孟。

七神父轉身向衆。當念

謝主。賜我得知降臨我心中。更求令普天下之人。盡知殊恩。罔不歸向。

八神父至臺左。開手誦經。隨本日瞻禮之義祈禱。當念

七祈求

一、求爲聖教宗主。祈主允延德壽。化及萬方。

二、求爲當今元首官長。祈主賜以四方寧靖。五穀豐饒。

三、求爲主教并諸位鐸德。祈主賜以神形兼佑。德化日隆。

四、求爲父母親友恩人。祈主保佑和睦平安。欣勤守誠及未進教者。棄邪歸正。

五、求爲疾病貧窮患難者。祈主賜以安寧。化殃爲

吉。

六、求爲諸異端者。祈主消滅邪妄，咸歸正教。
七、求爲煉處靈魂，及近亡諸信者。懇祈聖母轉求
天主，寬煉往罪，早賜升天。

天主經 聖母經

九神父按手經上誦經。

十移經臺右，神父畫十字，我等立起亦畫十字。

十一神父到臺中念信經，當念

信經至斯彼利多三多降孕，跪下。

十二神父轉身向衆，當念

謝吾主，賜我得知降臨我心中。

十三神父開聖爵，奉麴餅斟酒，當念

吾主耶穌基利斯督，至仁至慈，慨發重寶，贖我等罪。二遍

欽敬聖體仁愛經

至慈吾主耶穌基利斯督，自甘受傷傾血，釘死在十字架上，爲救贖衆罪，又永留聖體大祭，養人靈，醫人心，更顯其愛於無窮極。罪人某等，感受如是

洪恩。痛悔往愆。大發心願。將我形神。盡獻吾主。時
時欽敬。思慕聖體。懇賜恩佑。改過堅定。我心令我
以毫釐仁愛。報主無窮仁愛。得至善終。享天上仁
主永遠眞福。亞孟。

神父手捧聖爵。當念

吾主。以此聖血。救我等罪。倘若爲主致命。所深願
焉。二遍

十四神父洗手。當念

小悔罪經

神父轉身向衆。當念

向耶穌聖體誦

懇祈吾主耶穌基利斯督，聖靈，恩寵我。耶穌聖軀，
扶佑我。耶穌聖血，酣暢我。耶穌聖肋之水，潔清我。
耶穌苦難聖死，堅勵我。嗚呼，伏求全善耶穌垂允。
藏我於聖傷中，勿棄我，勿許我離背。望救我於諸
惡仇迄我死候，召我趨赴主臺前，偕諸神聖，讚揚
吾主於無窮世。亞孟。

吾主耶穌，爾於斯奇奧之禮，初遺聖愛之表，受難

之迹。乞賦我愛爾之誠心。使我如是領爾聖體可
時獲爾救我之洪恩。

十五神父微聲念經。

十六神父高聲念三多斯，當念

我罪，我罪，告我大罪。

十七神父親聖石，默祈天主，當念

求吾主廣揚聖教會。保佑當今教化皇、帝王、本主
教、及眾司鐸諸品者。并父母親友恩人、及普天下
奉教者。

吾主將受難之前一夕，定聖體大禮於宗徒。在山園中作別，爲我等萬民，默祈罷德肋，受苦贖罪。尙有不能感發其情，盡解之罪，辜負其苦。作如是想，忽然汗血迸流。內情所發，至慈之恩也。伏祈吾主普化之。

此時神父合掌，或爲生者、病者、患難者、祈求。
當念

求恩祝文

罪人罪大惡極，無可奉獻聖父。願仰藉吾主耶穌

聖體聖血功勞。以獻天主聖父。罪人罪大惡極。無可奉獻耶穌。願仰藉聖母瑪利亞功行苦勞。以獻吾主耶穌。罪人罪大惡極。無可奉獻聖神。願仰藉諸聖熱愛衷情。以獻天主聖神。罪人專懇耶穌聖母及諸聖人聖女。同祈天主。加佑當今教化皇某及天下諸聖教會。教化衍盛。異端消滅。人民清泰。國土安靖。未奉教者。普賜進教事主。已進教者。普賜遵教立功。在煉獄者。普賜赦罪升天。遭苦難者。普賜平安得所。罪人過惡深重。不敢瑣

濟真主。總仰藉天上諸功。普世諸功。獻主臺前求。
主早擴聖教。速救萬民。赦我等罪過。拔我等罪根。
除我等偏情。加我等力量。守誠行善。以至死後。救
我等靈魂升天。允我等祈求。滿所冀願。亞孟。
十八神父在聖爵上畫十字。當念
願吾主至仁之體。普現寵臨。二遍

正祭

一神父舉揚聖體。當念

舉揚聖體祝文

伏望天主罷德肋，看吾主耶穌聖體分上，救我等之罪。

三拊心，神父跪下，
當念

俯拜稱謝吾主耶穌基利斯督，甘願以此十字聖架，救贖普世。伏祈吾主，救我等罪。
亞孟。

小悔罪經

神父舉揚聖爵，
當念

舉揚聖爵祝文

伏望天主罷德肋，看吾主耶穌聖血分上，沃我等

心身。

三拊心，神父跪下，

當念

申爾福，至寶血，吾主耶穌基利斯督，在十字臺上，
爲人永福所流下者。

朝拜耶穌聖血誦

我朝割肉聖血，求賜上智之恩，與絕欲之德。
我朝園中流汗聖血，求賜明悟之恩，與節食之德。
我朝石柱上受撻所流聖血，求賜識見之恩，與仁
愛之德。

我朝刺箍聖首所流聖血。求賜敬畏之恩。與謙遜之德。

我朝釘手聖血。求賜善謀之恩。與哀矜之德。
我朝釘足聖血。求賜剛毅之恩。與恒久之德。
我朝剝胸聖血。求賜欽崇之恩。與含忍之德。

二神父在聖體上。畫十字五次。當念

小五傷

一、拜右手之傷。求勇德。以輕世福。不致驕傲。
祈吾主救我等心身。

二、拜左手之傷，求忍德。以勝世禍，不致失望。
祈吾主救親友恩人。
三、拜右足之傷，求勤德。以趨諸善，得升天堂。
祈吾主救煉處靈魂。
四、拜左足之傷，求畏德。以避諸惡，免墮地獄。
祈吾主救犯罪惡人。
五、拜肋旁之傷，求愛德。上愛天主，下愛眾人。
祈吾主救仇讐害我。
三神父又合掌默求，
當念

求吾主、救煉獄教眾。賴主仁慈、息止安所。 亞孟。

天主經 聖母經

四神父拊心。 當念

吾主矜憐我等。三遍、三拊心。

五神父聖爵上畫十字、我等亦畫十字。 當念

吾主、救我等罪人。三遍、三拊心。

六神父高聲誦天主經。 當念

天主經一遍、隨念

吾主、吾肉身靈魂、生前死後、望於天主、悉在主經

之七求。伏惟俯允。

七神父分開麴形爲三。當念

我情願與肉身離。不願離吾主。二遍

八神父請小分麴形入聖爵。當念

神領聖體誦

吾主。我切望領聖體。使我神魂與聖體相依。誠恐
罪愆。不能滌淨。不敢輕領。祈吾主啟我改過遷善。
將來定要求領。沾無極寵恩。專心冀願。若恭領之
者然。亞孟。

九神父跪下起，拊心，當念
救世之天主，救我等。三遍，三拊心。

聖體聖母合讚

吾主至聖之體，我等願常爲讚美。又我眾共尊之
母，卒世童貞聖母瑪利亞，無原罪之始胎，並爲讚
美。亞孟。

求領聖體祝文

維茲聖體，領之何爲？耶穌聖身聖血聖魂，無不俱
備。聖父聖子聖神，允咸赫臨，重罪之人，何容妄領。

但吾主勸諭領者必獲天堂常生又何敢不領今
我神糧匱乏力量虛微願滌我心願堅我德慎我
言動行我苦工提正抑邪心切神領庶幾鑒此微
誠不嫌愚蒙特賜實領臨格我心常存寵照

孟亞

領聖體前誦

聖人若翰自胎時爲聖嘗謙言曰罔敢與主釋屣
帶聖伯多祿宗徒之長尙曰吾主耶穌當遠我勿
近我我乃大罪人二大聖如此謙遜敬畏我且如
何我罪惡彌深曷敢近主主降世時療痊聾瞽瘡

疾諸人、命死者復活、每與罪人言談坐食、我常得罪、猶如聾瞽瘡疾、如死者然、求主療我活我、望賜聖體、但我罪人、何敢望領。因主昔有遺言曰、人若不領主聖體、罔能生活、乞賜領受。 亞孟。

十神父跪下起、開聖爵、 當念

解罪經

十一神父捧聖體轉身向衆、 當念

鐸德捧聖體時誦

卑污罪人、辱主俯臨我心、曷以當之。伏惟吾主特

降一命我心諸疾必全愈矣。

十二神父捧聖體送下。當念

小悔罪經

領聖體時誦隨領聖體念。

祈望耶穌靈魂聖我。耶穌聖體救我。耶穌聖血淨
我領畢則止。

已領聖體祝文

我謝天主。我感天主。今日臨我胸中。比死後援我
升天。厥恩更親。厥功更大。我今永時永日永歲。常

憶天主救贖之奇愛，常思聖母敬供之隆情，常如
三王來朝之盛禮。周日存想，一生不變。庶得天主，
常存我心，常持我口，常保我身。 亞孟。

領聖體後誦

至仁至慈天主，我受主無極恩惠，無可稱謝。我重
罪多惡，思言行爲，無不得罪，身神污穢。主不但
不罰我，更寬裕待我。肫切動我，悔恨前愆，改遷無怠。
更忘我罪，容我近主，領主聖體。令我神內，得懷上
天下地無比珍美。主在世時，凡誠心近主，無不取

益適願。有罪者被化。改惡遷善。病者獲愈。憂者獲
慰。苦者獲安。愚者獲明。今蒙主仁慈。得我罪之赦。
我病之愈。我憂之慰。我苦之安。我愚之明。主在我
心。爲我心主。求主常居。勿棄我。以主聖意。爲我心
志。庶恆懷主。須臾不離。善生安死。偕主享主。至於
無窮。亞孟。

感謝吾主耶穌。無價珍寶神糧。賜助神力。免陷罪
惡。易走天堂之路。二遍

徹祭

一神父斂聖爵等物，又請經過臺左，誦經一段。

卽轉身向衆，當念

謝吾主，降臨我等中焉。今日乃吾主允我來瞻仰。
我今在此，恐不能正心誠意，反開獲罪之端，祈寬
恕之。

二神父誦經謝恩。

三神父轉身向衆，當念

今日幸承天主不棄，得與諸天神同堂瞻禮。日後
審判，冀免地獄之苦，獲遂升天之望。 亞孟。

四神父畫十字祝福於衆，我等亦俯首畫十字。

當念

降福祝文煉獄彌撒不念

伏惟全能至仁天主，罷德肋及費畧及斯彼利多
三多降福保全我衆。亞孟。念畢立起。

五神父立臺右誦經一段，誦畢跪下。

當念

吾主耶穌，我專心感謝爾。賜我等看彌撒，見爾於
阿斯底亞，沾爾洪恩，何樂如之。伏祈爾俾罪人於
此世上，恪守爾命，不敢失望，得升天國。亞孟。

聖母經三遍 申爾福一遍

請眾同禱。衛我助我者天主。民眾號爾，懇卽憐
視。爾固慈祥仁善。茲因榮光無玷童貞天主之母
瑪利亞及其淨配大聖若瑟，暨宗徒聖伯多祿聖
保祿，與諸聖人之代禱，懇祈俯允所求。恩賜罪人
悛改，聖教廣揚，脫諸窘難。爲我等主基利斯督。
亞孟。

聖彌額爾總領天神。請爾護我於攻魔，衛我於邪
神惡計。吾又哀求天主，嚴儆斥之。今魔魁惡鬼，徧

散普世、肆害人靈、求爾天上大君之帥、仗主權能、
麾入地獄。亞孟。

教宗良第十三、詔飭各司祭於彌撒後、虔誦右經。
若信人於是時、一心同誦、當獲益良多也。

耶穌至聖之心、矜憐我等。三遍

教皇比護第十、恩准各司祭、在念前教皇良第十
三飭誦經後、加誦。

求神愛誦

吾天主、賜我諸德、尤望賜我聖寵、能以全心全靈、

專志愛爾。如允我愛爾。我望之慰我心之味我靈
之生命。我神體之安所。我明悟之朗耀。求爾除滅
我心之偏情。立一大殿於其中。爲爾永居。使愛情
之箭透我心。愛情之味養我靈。噫嘻。何時得遂此
願。何時盡絕不合爾意之情。何時盡克私意而遵
守爾旨。何時純不記憶我身。惟記憶我主。何時盡
捐諸物。諸事於我心。惟獨存我主。何時愛情之火
炙熱我心。何時得享爾之愛情。何時賜我得合爾
旨。永遠不離於爾。

至仁至慈皇皇聖三、罷德肋及費畧及斯彼利多
三多、三位一體教我治我佑我。聖父爲爾全能求
爾滿我記含於義善。定志在爾。聖子、聖父之上智。
求爾賜我明悟。能通微妙事情。聖神、聖父及聖子
所發之愛。爲爾無比之善。求爾賜我聖火。照耀我
愛欲。永遠不熄不滅。至聖聖三賜我愛爾。如天神
讚美爾。敬慕爾。方爲真愛。

世人母皇、潔淨之華、福樂之原、童貞之鏡、義德之
表。求爾分我希微愛情。能愛爾所愛之子。天上最

尊諸天神，以爾愛之火，徧炙宇宙。求爾諸品勿遺
失我，日煉我心之罪，焚之於愛情烈焰。眞福聖人
聖女，何時能同爾諸品，讚美吾主，愛慕吾主，永遠
享其榮福。 亞孟。

彌撒中奉香經文

念解罪經後，神父上臺，添香時念。

爲主榮所焚熱，主卽聖之。亞孟。

移經臺右，添香時，念經如前。

念吾主以此聖血云云後，添香時念。

因聖彌額爾總領天神，侍立香臺右，暨諸聖轉達。
望主允降福於此乳香，飴馨享受。爲我等主基利
斯督。亞孟。

神父向祭品奉香時念。

此乳香祝聖於爾。望主昇爾臺前，降爾慈於我等。

神父向臺奉香時念

吾禱幸徹爾臺前，如乳香然。吾手之舉，如晚祭然。
望主禁持我口，衛我脣吻之門。俾我心無僻惡言，
以辭飾罪。

神父授吊爐於副祭時念

望主燃我等以真愛之火，與永仁之焰。 亞孟。

謝聖體經

已領聖體祝文

我謝天主。我感天主。今日臨我胸中。比死後援我
升天。厥恩更親。厥功更大。我今永時永日永歲。常
憶天主救贖之奇愛。常思聖母敬供之隆情。常如
三王來朝之盛禮。周日存想。一生不變。庶得天主
常存我心。常持我口。常保我身。 亞孟。

敬拜經

吾主耶穌。以爾聖身。降我心中。我今俯伏恭向敬

拜爾恩。欽崇爾德。深謝爾以全能變化。永留聖體
大祭於人間。俾我等常荷神佑。卽合天朝神聖。天
下人民。亦難報於萬一。懇求吾主耶穌。恕我卑賤。
補我虧缺。令我時發熱愛。仰慕天上光榮。讚揚吾
主無對之尊。亞孟。

愛心經

吾主耶穌。以爾聖軀寶血。願作我等神糧。耶穌聖
心。愛我至切。我今以愛還愛。以心體心。以後定志
改遷。遵守規誡。補贖所犯罪過。至死不敢負恩負

愛。懇求吾主耶穌，賜我熱愛之火，以熱我心。
孟。亞

感謝經

吾主耶穌，生我養我，救贖於我。今復歛其光榮，以爾尊貴之體，降臨我極污心中，生活我之靈魂。我實感恩無盡，願同天下萬民，稱頌吾主之洪恩。
亞孟。

祈求經

吾主耶穌，基利斯督。懇求耶穌之聖靈佑我。懇求耶穌之聖身救我。懇求耶穌聖傷之血潔淨我。懇求

求耶穌之苦難。聖死堅我勵我。嗚呼。伏望仁慈之主。垂允我禱。勿棄我。勿拒我。救我於諸讎。諸惡。凡我親戚友朋。亦求主加之聖寵。神佑。改邪歸正。迨至死後。俾我等獲覩天主光榮。同諸天神聖人。常享永樂於無窮。亞孟。

奉獻誦

吾主耶穌。賜我聖身聖血。常存我心。我固時感時謝。但我罪人。無功無德。無可奉獻於主。懇求吾主耶穌。憐我直誠。納我所獻。我願將靈魂肉身。三司

五官全獻於主。奉獻明悟。願明天主奧理。奉獻記
含。願想天主經言。奉獻愛欲。願常熱愛於天主。自
今而後。獻我目。不觀非理之物。獻我耳。不聽非理
之言。獻我口。不出非理之聲。獻我心。不動非理之
念。統獻一身。願用恭敬天主。懇求吾主耶穌。加我
神力神勇。亞孟。

領聖體後誦

至仁至慈天主。我受主無極恩惠。無可稱謝。我重
罪多惡。思言行爲。無不得罪。身神污穢。主不但

罰我更寬裕待我。肫切動我，悔恨前愆，改遷無怠。
更忘我罪，容我近主，領主聖體，令我神內，得懷上
天下地，無比珍美。主在世時，凡誠心近主，無不取
益適願。有罪者被化，改惡遷善。病者獲愈，憂者獲
慰，苦者獲安，愚者獲明。今蒙主仁慈，得我罪之赦，
我病之愈，我憂之慰，我苦之安，我愚之明。主在我
心，爲我心主。求主常居，勿棄我。以主聖意，爲我心
志。庶恆懷主，須臾不離。善生安死，偕主享主。至於
無窮。

亞孟

感謝吾主耶穌。無價珍寶神糧。賜助神力。免陷罪惡。易走天堂之路。

向耶穌苦像誦

吁。純善至溫之耶穌。我今跪伏爾前。憶昔先知達味。代爾言曰。彼輩鑽予手足。數予諸骸。吁。純善耶穌。我將此懸擬於目前。傾心熱衷。懇爾禱爾。乘我摯愛極恫。默覩爾五傷時。卽以信望愛活潑之情。我罪之真悔。悛改之堅志。銘刻於我心中。

天主經 聖母經 聖三光榮誦各六遍

右經係教皇庇護第七位參訂。教皇格肋孟德第八位。與本篤第十四位。先後准定。凡告解領主。於苦像前悔心虔誦斯經。且誦時有求主爲聖教要務之意者。卽得全大赦。亦可讓於煉靈。後教皇庇護第九位重譌。除告解領主悔心虔誦右經外。又須照常加念他經。按教皇之意求主。方得全赦。

耶穌聖體禱文

啟天主矜憐我等。

應基利斯督矜憐我等。

啟基利斯督俯聽我等。

應基利斯督垂允我等。

啟在天天主父者。

贖世天主子者。

聖神天主者。

三位一體天主者。

天主矜憐我等。

應矜憐我等。

啟性命之糧自天而降者。
耶穌聖體人之性命者。
隱藏救世之天主者。
以聖愛永愛吾人者。
與主遊往未嘗有厭者。
與主交友有善樂者。
膏糧及帝王之珍膳者。
至潔之聖筵與主偕燕有愷樂者。
天神之糧者。

應矜憐我等。

啟活糧健裨普眾者。

應矜憐我等。

眞飲樂普眾者。

敬畏主者之大慰。

主之神氣甘於蜜。

主之遺味超絕諸美。

簡越者之神糧。

生育童貞之醴。

奧蘊之瑪納。

吾生吾德諸望所從出者。

啟真道正學之恩所由來者。

應矜憐我等。

天主奇異諸事之標蹟。

厚養人之糧者。

費畧降生之本體。

與世遊王者。

無玷之綿羔者。

聖祭之聖品及降福之爵者。

預防諸罪之天藥者。

天主仁愛之首榜者。

啟恩賜之第一恩賜者。

應矜憐我等

吾眾罪之恩赦者。

天主恩惠之流溢。

常生之劑。

本體以筵賓者。

天神供案最飴之筵者。

仁愛之聯合者。

自爲獻品而且爲獻者。

神飴之願者。

啟諸聖魂之飽飫。

應矜憐我等。

善終之資。

身後真福之質。

望主垂憐。

應主救我等。

望主垂憐。

主允我等。

於干冒天主聖體聖血之罪。

主救我等。

於肉身之私慾。

於目之妄視。

於心之倨傲。

啟於諸罪過之誘。

應主救我等。

爲主同宗徒、行聖教大禮者。

爲主至謙、濯門徒之足者。

爲主之至愛、立聖體之奧禮者。

爲主寶血、恒留聖臺者。

爲主聖躬五傷、爲吾儕所受者。

罪人。

應求主俯聽我等。

求賜我等、堅存真信、虔奉主之聖體者。

應主俯聽我等。

啟求免我等、陷諸異端、與諸惡情。應主俯聽我等。
求賜我等、時受斯至奧至重之鴻恩。
求賜我等、臨終之時、以此聖血、撫慰堅定我心
者。

天主子者。

應求主俯聽我等。

除免世罪天主羔羊者。

應主赦我等。

除免世罪天主羔羊者。

主允我等。

除免世罪天主羔羊者。

主憐我等。

啟基利斯督俯聽我等。

應 基利斯督垂允我等。

啟 天主矜憐我等。

應 基利斯督矜憐我等。

天主矜憐我等。

啟 在天我等父者。至又不我許陷於誘惑。

應 乃救我於凶惡。

啟 吾至仁至慈之主。建立諸異蹟之標。

應 以食諸敬畏已者。

啟 吾主自天畀我之食。

應 自含諸甘馨。

啟 吾主自主聖臺，我等恭領耶穌聖體。

應 吾身心所向，而生踴躍者。

啟 望主俯聽我禱。

應 我號聲上徹於主。

請眾同禱。吾主耶穌，活天主子。初因聖父之旨，及聖神之功，以主寶死，致世人復活者。求爲主聖體聖血之尊奧，脫我於諸罪，及諸凶惡。俾我常依主命，永不遠離於主。

吾主俯聽我願，療我靈疾，使我既獲主赦，永樂。

於主之眞福。

天主於斯奇妙之禮。初遺主受難之跡者。使我
欽崇聖體聖血。可時獲主洪錫。

天主預備不可見之諸美。酬諸具愛德者。乞賦
我愛主之誠心。令我事事愛主。且愛主萬有之
上。以終獲享主所許眞實之永福。

天主聖體。及諸聖誠。咸令我自新。克肖主像。乞
導我獲履眞道。以主仁慈。實獲主愛之賜。凡所
命我輩仰望者。惟爲吾主耶穌基利斯督。偕爾

聖神。世生世王。亞孟。
凡諸信者靈魂。賴天主仁慈。息止安所。亞孟。

24

112255